

МЕСЯЦА ДЕКЕМВРИЯ В 7-Й ДЕНЬ.

ИЖЕ ВО СВЯТЫХ ОТЦА НАШЕГО АМВРОСИЯ, ЕПИСКОПА МЕДИОЛАНСКАГО

Аллилуия или тропарь.

На Господи, воззвах: стихиры Амвросия, глас 1.

Подобен: Небесных чинов:

Владычества престол украшая добродетельми, * от вдохновения Божественна * священноначалие подобне приял еси; * темже верен строитель благодати * во обоих, Амвросие, быв, * сугуб венец наследовал еси.

В воздержании, и болезнях, и во бдениих мнозех, * и молитвах спротяженных * душу и тело очистил еси, Богомудре, * сосуд прочее избран явился Христу Богу, * апостолом равен явлься, * восприял еси дарования.

Благочестиваго царя, согрешивша иногда, * яко Давида Нафан, дерзновением обличил еси, * Амвросие всеблаженне, сего яве отлучению подложил еси * и, покаянием наказав Боголепно, * сочислил еси пастве твоей.

Ины стихиры Богородицы, глас и подобен тойже:

(Аще Аллилуия: сии стихиры поются прежде.)

Жезлом Твоего предстательства, * Богородительнице Чистая, * звериная страсти окаянныя души моя отжени * и, отвсюду мирно к жизни мя управляющи, * святому стаду * избранных Твоих овец причти.

Яко помощница Ты еси беспомощных человек, * яко надежда еси всех ненадежных, * решение, Богородице, в лютых * и помощь мне буди, * грехов и бед, яко милостива, * избавляющи мя, Пречистая.

Всегубительных страстей моих огнепальная стремления * росую Божественною, * вольным одождением твоим угаси, Дево; * да и аз, якоже отроцы, * Бога, из Тебе рожденнаго, благодарю * и славлю и благословлю благодать Твою, Владычице.

Слава, и ныне, Богородичен, глас и подобен тойже:

Нравом гнилым поползся, ниц лежу * и к Твоей, Дево, притекаю тишине, * от бури сопротивныя * и искушений многообразных мя избави, * да пою Твою благодать непрестанно, * Богородице Мати, Приснодево.

Крестобогородичен. Подобен тойже:

У Креста предстоящи Сына и Бога Твоего * и долготерпение Того смотряющи, * глаголаше, плачущи, Мати Чистая: * увы Мне, Чадо Сладчайшее, * что сия страждеши неправедно, Слове Божий, * да спасеши человечество.

На стиховне стихиры Октоиха.

Тропарь, глас 4:

Правило веры и образ кротости, * воздержания учителя * яви тя стаду твоему * яже вещей истина. * Сего ради стяжал еси смирением высокая, * ницетою богатая, * отче Амвросие, * моли Христа Бога, * спастися душам нашим.

НА УТРЕНИ

Оба канона Октоиха. И святого канон на 4, глас 4, егоже краегранесие: Всевеликаго Амвросия восхваляю. Творение Иосифово.

Песнь 1

Ирмос: Моря чермную пучину * невлажными стопами * древний пешествовав Израиль, * крестообразными Моисеовыма рукама * Амаликову силу в пустыни победил есть.

Божественными светолитии, преподобне, облистаемь, светлое, и светоносное, и святое твое уснение благочестно чтущия твоими молитвами просвети.

Слово Божие премудрости тебе слово дарова, украшенное знанием истинным, иерарше Амвросие, еретичествующих безсловесное отражая зломыслие.

Ума твоего зрительное, пребогате, предочистив от страстных мглы, приятно чистых блистаний Всесвятого Духа соделал еси, всеблаженне.

Всемудрыми и священными твоими догматы ариемудрственную отгнав пагубу, яко пастырь, на злаце упасл еси Православия, всемудре, словесныя твоя верою овцы.

Богородичен: Безсеменно Отчею волею от Божественнаго Духа Божия зачала еси Сына и плотию родила еси, из Отца безматерня и нас ради из Тебе безотча.

Песнь 3

Ирмос: Не мудростию, и силою, и богатством хвалимся, * но Тобою, Отчею ипостасною мудростию, Христе: * несть бо свят, паче Тебе, Человеколюбче.

Величайшу благодать от Бога прием и силу, твоим чувственным прикосновением различныя страсти, отче Амвросие, исцелял еси приходящих к тебе.

Научен, яко иерарх Божественный, преподобне, всякое разумение Писания неведущим, отче Амвросие, неудобопостижная яве уяснил еси.

Тебе, мудростию духовною сияюще, несмысленно приблизитися дерзостно сквернейшую устремльшуюся скорейше умертвил еси Божественным проглаголением.

Богородичен: Род человеческий обновила еси Едина, рождши естества нашего Содетеля же и Господа, темже Тя славим, Богорадованная.

Ин кондак, глас 8.

Подобен: Взбранной:

Изрядно слово жизни стяжав, отче мудре, * не усумнеся высоты царския, богонаказательне царя обличи и умудрив. * Тем паче честне почтесе и людей своих паству к Богу настави. * Сего ради зовем ти: * радуйся, Амвросие предивне.

Седален, глас 8

Подобен: Премудрости:

Пророка Илию ревнообразуя и Иоанна такожде Крестителя, * мужески обличил еси царя беззаконновавша, иерарше; * Престол Божественне украсил еси и чудес множеством мир обогатил еси. * Темже, и Божественными Писании научен, верныя утвердил еси * и неверныя обратил еси, иерарше Амвросие, * моли Христа Бога прегрешений оставление даровати * празднующим любовию святую память твою.

Слава, и ныне, Богородичен:

Помышленными попользуюсь лукавыми, во глубину впадох греховную * и, стенья, зываю Ти от сердца, Пречистая: * на мне удиви богатую милость, * и Твоего милосердия неизмерную пучину, * и щедрот Твоих неизчетное богатство, * и даждь ми покаяние и прегрешений прощение, да любовию зываю Тебе: * моли Христа Бога прегрешений оставление даровати ми: * Тя бо надежду имею, раб Твой.

Крестобогородичен:

Агница, и Пастыря, и Избавителя Агница зрящи на Кресте, * восклицаше, плачуши, и, горько рыдаючи, вопияше: * мир убо радуется, приемляй Тобою избавление, * утроба же Моя горит, зрящи Твое распятие, * еже терпиши за милосердие милости. * Долготерпеливе Господи, милости бездно и источниче неисчерпаемый, * умилосердися и даруй согрешений оставление * верою поющим Божественныя страсти Твоя.

Песнь 4

Ирмос: Любве ради, Щедре, Твоего образа * на Кресте Твоем стал еси, * и растаяшася языцы: * Ты бо еси, Человеколюбче, * крепость моя и хваление.

Иерарх показался еси, помазався миром священства, совершая священники, всем спасительное даруя очищение.

Соблюл еси паству твою от всякаго вреда противных, блаженне, и Ариеву леть всю омрачил еси сиянием словес твоих.

Духа силою огражден, лукавья отгоняеши злобы, всеблаженне, духи, не терпящия твоего запрещения.

Богородичен: Вся волею содетельствовавый, содетельствуется хотя от чистых Твоих кровей, спасая ведущия Тя, Чистую Богоматерь.

Песнь 5

Ирмос: Ты, Господи, мой Свет, * в мир пришел еси, * Свет Святыи, обращаи из мрачна неведения * верою воспевающия Тя.

Ум, сияющ Светом невестественным, стяжав, облистал еси врачеваний и чудес зари, Амвросие блаженне.

Воздвигл еси тебе самага священное жилище Духа, разорил еси храмы идольския, Амвросие Богодохновенне.

Величайших добродетелей светозарением сияюща, постыдешася царие тебе и предела языка твоего не поколебаша.

Богородичен: Хотением все мудре соделовая, хотя обновити человеки, Дево, в Твою утробу вселися.

Песнь 6

Ирмос: Пожру Ти со гласом хваления, Господи, * Церковь вопиет Ти, * от бесовския крове очищися * ради милости от ребр Твоих * истекшею Кровию.

Рим твоя честная благохвалит исправления: яко бо звезда световидна, всюду лучи чудес твоих, иерарше, испустил еси, верно удивляемь.

Утренавав ко Христу, тамо сущими светлостьми озарился еси богатно, и Света наполнился еси Божественнейша, и просвещаеши верно чтущия тя всегда.

Тело и душу твою Богу освятив, и приятно соделал еси дарований, отче, твое сердце, непрестанно внемлющее сладкому желанию.

Богородичен: Исцели души моя, Дево, язвы, осенением Твоим Божественным и ум мой просвети, омраченный леностию и злобою врага борца.

Кондак, глас 3.

Подобен: Божественныя веры:

Божественными догматы облистая, * помрачил еси Ариеви прелесть, священнотаинниче и пастырю Амвросие; * чудодействуя же силою Духа, * страсти различныя яже исцелил еси, отче преподобне, * Христа Бога моли спастися душам нашим.

Песнь 7

Ирмос: В печи авраамстии отроцы персидстей, * любовию благочестия паче, * нежели пламенем, опаляеми, взываху: * благословен еси в храме славы Твоя, Господи.

Божественное вещание твоих догматов, отче всеумдре, якоже молния, пройде всю землю и чудес показаньми, яко свет, облиста, яже во мраце сердца просвещающее.

Законоположением Спаса ты последуя, отче, данный тебе талант, яко раб блажайший, тщательно умногосугубил еси, Владычния сподобляемь радости.

Изострив Богословный твой ум, струй священных догматов, яко реку, испустил еси, напоая верных исполнение, священнотаинниче отче Амвросие.

Богородичен: Се, Дево, во утробе Твоей зачала еси Слово, Отцу собезначально, и плотию породила еси дарующее всем воззвание, сущим из Адама падшим, Всенепорочная.

Песнь 8

Ирмос: Руце распростер, Даниил * львов зияния в рове затче; * огненную же силу угасиша, * добродетелию препоясавшися, * благочестия рачители, отроцы, взывающе: * благословите, вся дела Господня, Господа.

Умертвив уды и мертво плотское мудрование соделав, душу оживил еси, преподобне, и источник чудес источил еси умерщвленным от страстей, жизнь подаючи вопиющим: благословите, вся дела Господня, Господа.

Уведел еси преставление, мудре, еже от телесе, Божественным Духом, пророчески бо сие сущим с тобою сказал еси и радостно на Небеса, вопия, востекл еси: благословите, вся дела Господня, Господа.

Тело, и сердце, и ум предочистив от страстей смешения, огненосну лучу свыше приял еси Духа, якоже Божественнии ученицы, вопия, Амвросие: благословите, вся дела Господня, Господа.

Богородичен: Явилася еси превышши Небес, Бога Небеснаго породивши, земная, Пречистая, Небесным совокупльшаго и познание Свое всем подающаго, вопиющим: благословите, вся дела Господня, Господа.

Песнь 9

Ирмос: Камень нерукосечный * от несекомья горы, Тебе, Дево, * краугольный отсечеса, * Христос, совокупивый разстоящая естества. * Тем, веселящися, Тя, Богородице, величаем.

Видел еси, во изступлении быв, вечныя святым, отче, лежащия почести; к нимже прешел еси, восприем твоих трудов, славне, воздаяния, веселяся.

Яко грозд зрел, Богомудре, в точилех Горних достойно сокровищствовался еси, источая безсмертия вино, Амвросие, и врачеваний дарования благочестно к тебе притекающим.

Тя, златозарный отче, Божественнаго Духа светильник, свет благочестивых учений и врачеваний лучу испускающ и верныя просвещающ, велегласно ублажаем.

Днесветлую тя звезду Церковь стяжавши, тьмы избегает всякия, всеблаженне, лбсти и, светлостьми священных твоих догматов озаряема, блажит тя.

Богородичен: Глас Тебе вопием, Дево, радостне Архангелов: радуйся, проклятва разрешение лютых всех; радуйся, избавление, земныя обожившая паче ума Рождеством Твоим.

СВЯТИТЕЛЬ АМВРОСИЙ, ЕПИСКОП МЕДИОЛАНСКИЙ

Святитель Амвросий, епископ Медиоланский, родился в 340 году в городе Трире в семье римского наместника Галлии и Испании. В младенчестве его было открыто, какую пользу принесет он Церкви Христовой: однажды лицо спящего в саду младенца покрыли пчелы и, не причинив ему вреда, улетели, оставив на языке мед, во исполнение слов Писания: «Сотове медовнии словеса добрая, сладость же их исцеление души»

После смерти отца семья переселилась в Рим, где Амвросий и брат его Сатир изучали юриспруденцию. На 25-м году он был известен как лучший адвокат Рима. Римский градоначальник обратил внимание на выдающиеся способности и красноречие Амвросия и взял его к себе в помощники. Около 370 года Амвросий был назначен консульским префектом (наместником) Лигурии и Эмилии (области Римской империи).

В 374 году умер епископ города Медиолана (Милана) – арианин Авксентий. После его смерти обострились раздоры между православными и арианами. Для примирения враждовавших жителей прибыл в город Амвросий. В соборе, где избирали нового епископа, Амвросий со всей силой своего красноречия стал убеждать народ в необходимости согласия и мира. Вдруг младенец, еще не умевший говорить, закричал: «Амвросий – епископ!» Крик его был единодушно подхвачен всеми присутствовавшими. Амвросий же не считал себя достойным архиерейского сана, так как еще не был просвещен святым Крещением и состоял в числе оглашенных. Он пытался отказаться от сана, но, по настоянию народа, принял Крещение и в течение семи дней прошел первые ступени церковной иерархии, а на восьмой день, 7 декабря 374 года, был рукоположен в сан епископа. На его хиротонии присутствовал император Валентиниан I (364–375).

По принятии сана святитель Амвросий раздал все свои деньги нищим, а имения передал Церкви. С самого начала своего служения он явил собою пример подвижника, проводящего жизнь в неустанных трудах, молитве и посте, который прерывал только по субботам, воскресеньям и великим праздникам. Святитель покровительствовал инокам, заботился об учреждении женских монастырей, которые тогда только начали появляться. Однажды, приехав в Рим, святитель совершал Литургию. Во время его МОЛИТВЫ некая больная женщина поцеловала край

его ризы и чудесным образом исцелилась. По христианскому незлобию он исцелял и врагов: когда подосланный арианами человек пытался убить святителя, рука злодея внезапно засохла; Амвросий же исцелил его и отпустил с миром. Во Флоренции святитель воскресил умершего отрока.

Святитель Амвросий неустанно боролся с арианской ересью, которая усилилась из-за покровительства Иустины, мачехи императора Грациана (375–383). Когда святитель собирался посвятить во епископа города Сирмия православного Анемия, ариане пытались помешать этому. Иустина подослала наемную женщину, чтобы та всенародно оскорбила святителя Амвросия, но она внезапно умерла.

В 383 году в Галлии вспыхнул мятеж: император Грациан был предательски убит военачальником Максимом. Престол перешел к сыну Иустины, юному Валентиниану II (383–392), но мятежник Максим грозил походом на Рим. По просьбе Иустины святитель, рискуя жизнью, отправился к Максиму и убедил его не нарушать мира. Иустина отплатила святителю неблагодарностью: от имени сына-императора она потребовала отдать во владение арианам медиоланский собор. Святитель ответил решительным отказом. Тогда Иустина приказала воинскому отряду занять собор силой, а епископа изгнать. Святитель Амвросий с народом затворился в соборе и три дня провел в непрестанной молитве и пении гимнов, и воины ушли.

В сердцах прихожан особенный отклик находили проповеди святителя в храме. Под влиянием одной из них в 387 году принял святое Крещение блаженный Августин († 430; память 15 июня), склонявшийся до того к манихейской ереси. Проповеди святителя разъясняли народу Священное Писание; в них решительно осуждалось всякое неправомыслие и насилие.

Святителю стало известно, что император Феодосий (379–395) жестоко расправился с восставшими жителями Фессалоник, где по его приказу было убито около семи тысяч жителей, в большинстве невиновных. В праздничный день, когда император торжественно шествовал в медиоланский собор, святитель преградил ему вход в храм и обличил в кровопролитии. На Феодосия была наложена епитимья, и император покаялся, повергаясь ниц пред дверьми храма. Святитель допустил его до Причастия, но не в алтаре со священнослужителями, как ранее, а перед алтарем, вместе с прочими мирянами.

Ревностный проповедник и мужественный защитник Православия, святитель Амвросий был также выдающимся церковным писателем. Известны его труды: 5 книг о вере; Изъяснение Символа веры; 3 книги о Святом Духе; 2 книги о покаянии; О Таинствах; Об обязанностях священнослужителей; О чине священническом; О девстве; О девах; О вдовах; Об удалении от мира; Наставление воинам и другим членам государства и Церкви.

Святитель Амвросий обладал и поэтическим даром. Сочиненные им гимны являются выдающимися образцами латинской поэзии раннего средневековья. Музыка для гимнов написана самим святителем. Особенно известен благодарственный Рождественский гимн «Тебе, Бога, хвалим» (Te Deum), который он написал в 386 году после победы над арианами. Святитель ввел в Богослужение по восточному образцу антифонное пение. Оно стало известно в Западной Церкви как «Амвросианский напев».

Святитель Амвросий откровением Господним обрел почивавшие в земле мощи святых мучеников Протасия и Гervasия. Он с почестями перенес их в медиоланский собор, где они прославились многими исцелениями. В середине 90-х годов IV века им же были обретены святые мощи мучеников Назария и Келсия (память всех четырех мучеников, пострадавших за Христа в I в., 14 октября).

Святителю Амвросию было открыто время его кончины. Он преставился ко Господу на рассвете дня Святой Пасхи, 4 апреля 397 года. Биограф святителя Амвросия пресвитер Павлин – составивший житие святого по рассказам его сестры и современников – свидетельствует, что в тот день святитель являлся многим крестившимся.

Мощи святителя Амвросия почивают в медиоланском соборе рядом с мощами святых мучеников Протасия и Гervasия.